

富  
婦  
州  
堂  
醫  
學  
發  
書

濟生方卷五

宋

嚴維和

三

目

論曰人之有雙眸若天之有兩曜五臟六腑之精華  
宗脈之所聚周視萬化肝之外候也眼通五臟氣貫  
五輪由此觀之人之有生須固養生之道善攝生者  
養氣存神安心息視然後心氣通暢肝氣和平精氣  
上注于目則目無其疾矣倘將養乖理六淫外傷七  
情內鬱嗜慾不節飲食無度生食五辛熱啖炙燂久  
視勤書憂哀悲泣皆能病目況方論有八廓內外障

等之證茲不復敘治療之法必須洞明形狀細察根源窮其是非若能細審無不瘥除然病眼之人不得當風看日喜怒房勞五辛炙燂酒食毒物並宜斷之惟須寬緩情性慎護調攝卽無不瘥也若縱恣乖違觸犯禁忌自貽其咎必致喪明而後已可不謹歟

杏連散 治風熱上攻羞明澀痛

黃連

去鬚一錢

杏仁

七粒

右用水半盞二藥浸之飯上蒸一時久澄清放溫洗了用紙蓋覆安頓湯瓶上頻頻洗之

補腎丸 治腎氣不足眼目昏暗瞳神不分明漸成

內障

磁石

火煨醋淬七次水飛

兔絲子

淘淨酒浸蒸別研各二兩

五味子

熟地黃

酒浸焙

枸杞子

楮實子

覆盆子

酒浸

肉蓯蓉

酒浸焙

車前子

酒蒸

石斛

去根各一兩

沈香

別研

青鹽

別研各半兩

右爲細末煉蜜爲丸如桐子大每服七十九丸空心

鹽湯下

冷補丸

治腎水燥少不受峻補口乾多渴耳痒耳

聾腰痛腿弱小便赤澀大便或難

熟地黃

酒蒸焙

生地黃

洗

天門冬

去心

川牛膝

去蘆浸

白芍藥

地骨皮

去木

白蒺藜

炒

麥門冬

去心

石斛

元參

磁石

火煨七次細研水飛過

沈香

別研不見火各等分

右為細末煉蜜為丸如桐子大每服七十丸空心

鹽酒鹽湯任下

養肝丸 治肝血不足眼目昏花或生眵淚久視無

方

當歸

去蘆酒浸

車前子

酒蒸焙

防風

白芍藥

麩仁

別研

熟地黃

酒蒸焙

川芎

楮寔子

各等分

右爲細末煉蜜爲丸如桐子大每服七十九溫熱

水下不拘時候

羚羊角散

治肝勞實熱兩目赤澀煩悶熱壅胸裏

炎炎

羚羊角

鎊

柴胡

去蘆

黃芩

川當歸

決明子

羌活

去蘆

赤芍藥

甘草

炙各等分

右吹咀每服四錢水一盞半薑五片煎至八分去

滓温服不拘時候

桑白皮散 治肺氣壅塞熱毒上攻眼目白睛腫脹

日夜疼痛心胸煩悶

元參

桑白皮

枳殼

去瓢 麩炒

川升麻

杏仁

去皮 尖炒

旋覆花

去皮 根

防風

去蘆

赤芍藥

黃芩

甘菊花

去枝 梗

甘草

炙

甜葶

炒各 一兩

右吹咀每服四錢水一盞半生薑三片煎至八分

去滓食後温服

爐甘石散 治一切目疾不問得疾之因悉皆治之

爐甘石

半斤用黃連四兩如豆大于銀石器內煮一伏時去黃連取石研

腦子

別研二錢半

右件和勻各服半字白湯泡放溫時時洗之

決明子散 治風熱毒氣上攻眼目腫痛或卒生翳

膜或背出努肉或痒或澀羞明多淚或始則昏花漸

成內障但是一切暴風客熱皆可服之

黃芩

甘菊花

去枝根

木賊

決明子

石膏

赤芍藥

川芎

川羌活

土蘆

石決明

各一兩



甘草

蔓荊子

各一兩

右爲細末每服三錢水一中盞生薑五片煎至六分食後服

大清散 治暴風客熱目赤睛痛隱澀難開

銅青

半兩別研

薑粉米

二錢半

右藥研細和勻每用少許沸湯泡放溫頻洗之

造薑粉法臘月間用生薑洗切碎于砂盆內插爛以

新麻布裂汁澄腳取粉陰乾

秦皮散 治暴風客熱赤眼腫痛痒澁眵淚昏暗

滑石

秦皮

黃連

各等分

右爲細末每用半錢沸湯泡澄清溫洗不拘時候  
後論曰夫眼者內則屬乎五臟外則應乎五輪瞳神  
黑水腎之主也血輪如環心之主也絡裏者脾之主  
也白睛屬肺總管于肝眼帶雖係于肝明孔遍通五  
藏五藏皆有神善攝生者調五藏以養神神安則藏  
和藏和則眼目清淨自無疾矣凡所感之由與夫治  
療皆可選而用之

耳

論曰夫耳者腎之候腎者精之所藏腎氣寔則精氣  
上通聞五音而聰矣若疲勞過度精氣先虛于是乎

風寒暑濕得以外入喜怒憂思得以內傷遂致窒壅  
耳聾耳鳴加之出血出膿則成聾耳底耳之患候其  
顴頰色黑者知其耳聾也亦有手少陽之脈動厥而  
聾者耳內渾渾焮焮也手太陽脈動厥而聾者耳內  
氣滿也大抵氣厥耳聾尙易治精虛耳聾不易藥諸  
証既殊治各有法

塞耳丸

治耳聾無不效

淡寮方名  
塞耳丹

石菖蒲

一寸

巴豆

去皮  
一枚

全蝎

去毒  
一枚

右爲細末葱涎打和如棗核大綿裹納耳中

杏仁散

治耳卒痛或有水出

杏仁一錢炒

右研爲末葱涎澆和捏如棗核大綿裹塞耳中

又方 治耳暴聾

雄黃一錢

巴豆去殼

右同研細用葱涎和一錠子紙捲定塞耳中

菴蓉丸 治腎虛耳聾或風邪入于經絡耳內虛鳴

肉菴蓉酒浸切

山茱萸去核

石龍芮

石菖蒲

兔絲子淘淨酒浸蒸焙

川羌活去蘆

鹿茸燎去毛切

磁石火煉醋淬

石斛去根

附子炮去皮臍

全蝎去毒二筒

麝香一字

右爲細末煉蜜爲丸如桐子大每服七十丸加至

一百丸空心鹽酒鹽湯任下

磁石丸 治風虛耳聾無聞

磁石

火煨

防風

去蘆

羌活

去蘆

黃耆

去蘆鹽水浸焙

木通

去麤皮

白芍藥

桂心

不見火各一兩

人參

半兩

右吹咀每服四錢水一盞半羊腎一對切片去脂

膜煎至七分去滓食前溫服

犀角飲子 治風熱上壅耳內聾閉嚮腫掣痛膿血

流出

犀角 鎊

菖蒲

木通

元參

赤芍藥

赤小豆 炒

甘菊花

去枝梗 各一兩

甘草

炙半兩

右咬咀每服四錢水一盞半薑五片煎至八分去

滓溫服不拘時候

元參湯 治腎臟寔熱心胃煩悶耳聽無聲四肢拘

急腰背俛仰強痛

生地黃 洗

元參

五加皮 去木

黃芩

赤茯苓 去皮

通草

石菖蒲

甘草 炙

羚羊角 鎊

麥門冬

去心各等分

右吹咀每服四錢水一盞半薑五片煎至八分去滓溫服不拘時候

鼻

論曰夫鼻者肺之候職欲常和和則吸引香臭矣若七情內鬱六淫外傷飲食勞役致鼻氣不得宣調清道壅塞其爲病也爲衄爲癰爲息肉爲瘡瘍爲清涕爲窒塞不通爲濁膿或不聞香臭此皆肺臟不調邪氣蘊積于鼻清道壅塞而然治之之法寒則溫之熱則清之塞則通之壅則散之無越于斯但時氣鼻衄

不可遽止如出三升已上恐多者方可斷之活人書  
所謂衄血者乃解蓋陽氣重故也不可不知

又論曰夫鼻者肺之所主職司清化調適得宜則肺  
臟宣暢清道自利攝養乖方則清道壅塞故鼻爲之  
病焉蓋肺主于氣肝藏于血邪熱傷之則血熱血熱  
則氣亦熱血氣俱熱隨氣上逆故爲鼻衄甚則生瘡  
風寒乘之陽經不利則爲壅塞或爲清涕蘊積不散  
則不聞香臭或爲鼻癰或生息肉息痛之患矣又有  
熱留膽府邪移於腦遂致鼻淵鼻淵者濁涕下不止  
也傳爲衄鱗瞑目故得之氣厥也



梔子仁丸 治肺熱鼻發赤癩俗曰酒渣鼻

梔子仁

右爲末溶黃蠟等分和爲丸彈子大空心茶酒嚼

下半月效忌酒炙燻

又方

枇杷葉

去毛焙乾

右爲末茶調一二錢日三服

辛夷散 治肺虛風寒濕熱之氣加之鼻內壅塞涕

出不已或氣息不通或不聞香臭

辛夷仁

細辛

洗去土葉

藁本

去蘆

升麻

川芎

木通

防風

去蘆

羌活

去蘆

甘草

炙

白芷

各等分

右為細末每服二錢食後茶清調服

危亦林得效方加蒼耳一

半熟者茶調散合和服

蒼耳散

治鼻流濁涕不止名曰鼻淵

孫氏仁存活法秘方云腦

冷所致此疾亦有腦熱者亦有肺寒者素問曰膽移入于腦則辛頰鼻淵又曰泣涕者腦也腦滲為涕又曰肺之液為涕其來各有由矣當審詳之鼻淵濁涕不止清濁亦自異

辛夷仁

兩半

蒼耳子

二錢半

香白芷

一兩

薄荷葉

半錢

右並晒乾為細末每服二錢用葱茶清食後調服

口

論曰夫口者足太陰之經脾之所主五味之所入也蓋五味入口藏于脾胃爲之運化津液以養五氣五氣者五臟之氣也節宣微爽五臟之氣偏勝由是諸疾生焉且鹽則爲寒酸則停滯澀則因燥淡則由虛熱則從苦從甘也口鼻者乃腑臟燥腐之不同蘊積于胸膈之間而生熱衝發于口也口瘡者脾氣凝滯風熱加之而然醫療之法各隨其所因以治無使過與不及焉

又論曰尖口者脾之候齒者骨之餘髓之所養也人

之一身此爲大要凡有病起因口而成含惡氣以嚙  
津液痰癖而在膈心胸壅滯毒氣攻蒸熏之既久故  
齒爲之病焉其諸風寒蘊熱而得之者方載於後  
芎藭膏 治口氣熱鼻

香白芷

芎藭各等分

右爲細末煉蜜丸如雞豆大食後臨臥嚙化

丁香丸 治口臭穢

丁香三錢

甘草一錢

芎藭二錢

白芷半錢

右爲細末煉蜜丸如彈子大綿裹一丸嚙嚙津

碧雪 治一切壅熱咽喉閉腫不能嚥物口舌生瘡  
舌根緊強言語不正腮項腫痛

蒲黃

青黛

礪砂

焰硝

甘草

各等分

右爲細末每用手指捻糝于喉中津嚥或呷少冷水送下頻頻洗之

青金散 治小兒白口瘡急惡狀似木耳

洹川王  
一郎方

五倍子

去土垢  
四兩

青黛

四錢

右爲細末好油調鴉羽掃口向咽喉流入咽喉  
瘡爛次日便下兼治痔瘡亦佳

麝香散 治急疔惡蝕肉損

枯白礬兩一

黃丹半一錢炒

麝香一字

右為細末研勻乾擦牙疔處頻上

朱粉散 治白口瘡惡及牙疔蝕

枯白礬兩一

乾胭脂半一錢

輕粉半錢

麝香少許

右研勻油調掃口瘡或乾貼

蛾黃散 治赤白瘡疼唇破兼治熱瘡

黃蘗去皮

寒水石燒

右各等分為細末乾貼口瘡上塗唇上兼治諸瘡

較遲者

粉紅散 治小兒白口瘡咽喉惡聲啞

乾胭脂

一錢

枯礬

一兩

右研勻每用一錢生蜜調如稀糊掃口瘡咽喉內咽了藥來日大便退了瘡皮爲驗

大青湯 治咽喉唇腫口舌糜爛疔惡口瘡

大青葉

升麻

大黃

剉炒各二兩

地黃

生切焙三兩

右爲末每服二錢水一盞煎至六分去滓溫服微利止

升麻散 治上膈壅毒口舌生瘡咽喉腫痛

升麻

赤芍藥

人參 洗

栝梗 去蘆

乾葛 各一兩

甘草 生用 半兩

右吹咀每服四錢水一盞半薑五片煎至八分去

滓溫服不拘時候

瀉黃飲子

治風熱蘊于脾經唇燥坼裂口舌生瘡

白芷

升麻

枳殼 去白 麩炒

黃芩

防風 去蘆

半夏 湯洗 七次

石斛 各一兩

甘草 生用 半兩

右吹咀每服四錢水一盞薑五片煎至八分溫服



不拘時候

瀉黃散 治脾胃壅塞口内生瘡煩悶多渴頰痛心  
煩唇口乾燥壅滯不食

藿香葉

七錢

石膏

煨

縮砂仁

山梔子仁

甘草

炙各半兩

防風

去蘆四兩

右剉碎用蜜酒炒香焙為細末每服三錢水一大  
盞煎至七分去滓溫服不拘時候

利膈湯 治上膈壅熱口苦咽乾痰唾稠粘心煩喜  
冷咽喉生瘡疼痛一切上壅之証皆可服之

防風

雞蘇葉

桔梗

牛旁子

荆芥穗各一兩

川升麻

人參

甘草炙各半兩

右吹咀每服四錢水一盞半薑五片煎至八分去

滓溫服不拘時候

橄欖散 治唇緊燥裂生瘡

橄欖不拘多少燒灰

右爲細末以豬脂和塗患處

元參升麻湯 治心脾壅熱舌上生瘡木舌重舌舌

腫或連頰兩邊腫痛

元參

赤芍藥

升麻

犀角 鎊

桔梗 去蘆

黃芩

甘草 炙

貫衆 洗各等分

右吹咀每服四錢水一盞半薑五片煎至八分去

滓溫服不拘時候

杏仁膏 治口舌熱乾燥或舌上生胎語言不真

升麻

杏仁 去皮尖

甘草 炙各一兩

黑豆 五十粒炒去皮

右爲細末入白蜜五合生地黃汁五合慢火熬成

膏子丸如雞豆大常噙一丸津化嚥下舌上生胎

止用生薑片蘸冷水擦洗之亦妙

齒

論曰夫齒乃骨之餘氣骨乃腎之所主呼吸之戶門也精氣強則齒自堅腎氣衰則齒自豁且手陽明大腸之脈入於齒灌注於牙倘風寒壅熱之氣鬱滯心胃衝發于口則齒為之病矣輕者為宣露齦頰浮腫甚則為疔蠱齩脫之證也亦有腎氣虛壅齒痛宣露當進補腎藥其諸隨証施以治法

安腎丸 治虛熱牙齒浮腫疼痛

肉蓯蓉

酒浸焙

石斛

去根

桃仁

麩炒

破故紙

炒

白朮

乾山藥

剉炒

白蒺藜

炒去刺

川烏

炮去皮臍

川萆薢

川巴戟

去心各等分

右為細末煉蜜為丸如桐子大每服七十九空心

鹽湯下

莽草散

治風壅熱氣上攻齒齲浮腫或連頰車疼

痛或宣露出血

莽草

川升麻

柳枝

槐角子

鶴虱

地骨皮

藁本

去蘆

槐白皮

右咬咀每服一兩水一盞入鹽少許煎至七分去

滓熱含冷吐之日用三次

必勝散 治齒衄

蒲黃

炒

螺兒青

各等分

右爲細末每用少許擦患處少待用湯鹽水漱之  
驅毒飲 治熱毒上攻宣露血出齒齦腫痛不可忍

者

屋遊

卽瓦屋上青苔不拘多少洗淨

右煎湯澄清入鹽一小撮放溫頻頻漱之

穿牙散 治一切齒痛不問久新

全蝎

七箇去毒

細辛

洗淨三錢

草烏

二箇去皮

乳香 二錢 別研

右爲細末每用少許擦患處須臾以溫鹽水盥漱  
香鹽散 此藥常用牢牙去風冷蛀齲宣露一切齒  
疾

大香附子

炒令極  
黑三兩

青鹽 半兩

右爲細末和勻用如常法乃鐵甕先生良方也

濟生方卷六

宋 嚴用和 撰

血氣

論曰內經云百病皆生于氣經有所謂七氣有所謂九氣喜怒憂思悲恐驚者七氣也七情之外益之以寒熱二證而爲九氣也氣之爲病男子婦人皆有之惟婦人血氣爲患尤甚蓋人身血隨氣行氣一壅滯則血與氣併或月事不調心腹作痛或月事將行預先作痛或月事已行淋瀝不斷心腹作痛或連腰脇或引背脊上下攻刺吐逆不食甚則手足搖擗狀類



驚癇或作寒熱或為癥瘕肌肉消瘦非特不能受孕久而不治轉而為療疾者多矣

延胡索湯 治婦人室女七情傷感遂使血與氣併

心腹作痛或連腰脇或引背脊上下攻刺甚作搖擲

經候不調但是一切血氣疼痛並可服之

當歸

去蘆酒浸剉炒

延胡索

炒去皮去

蒲黃

炒

赤芍藥

官桂

不見火各半兩

片子薑黃

洗

乳香

沒藥

木香

不見火各三兩

甘草

炙二錢半

右吹咀每服四錢水一盞半生薑七片煎至七分去滓食前溫服吐逆加半夏橘紅各半兩

琥珀散 治婦人室女月水凝滯脇肋脹刺臍腹疼痛不可忍及惡露不下血上攻心迷悶不省凡有血氣腹痛並皆治之

牡丹皮

去木

赤芍藥

蓬莪朮

剉

荆三稜

剉

劉寄奴

去梗

熟地黃

酒浸蒸

延胡索

炒去皮

當歸

去蘆酒浸

烏藥

官桂

不見火各一兩

右前五味用烏豆一升生薑半斤切片米醋四升

同煮豆爛爲度焙乾入後五味同爲細末每服二錢空心食前溫酒調服

三神丸 治婦女血氣相搏腹中刺痛痛引心端經行澀少或經事不調以致疼痛

橘紅二兩

延胡索去皮醋煮一兩

當歸去蘆酒浸醋畧炒一兩

右爲細末酒煮米糊爲丸如桐子大每服七十九加至一百丸空心艾湯下米飲亦得

抑氣散 治婦人氣盛于血變生諸證頭暈膈滿皆可服之

香附子

炒淨四兩

茯神

去木一兩

橘紅

二兩

甘草

炙一兩

右爲末每服二錢食前用沸湯調服

帶下

論曰巢氏病源論婦人有三十六疾所論三十六疾者七癥八瘕九痛十二帶下是也然所謂十二帶下者亦不顯其證狀今人所患惟赤白二帶而已推其所自勞傷過度衝任虛損風冷據于胞絡此病所由生也且婦人平居之時血欲常多氣欲常少方謂主氣有原百疾不生倘或氣倍于血氣倍生寒血不化

赤遂成白帶氣平血少血少生熱血不化經遂成赤帶寒熱交併則赤白俱下有室女或虛損而有此疾者皆令孕育不成以致絕嗣凡有是證速宜治之久而不治令人面色黧黯肌肉瘦瘠腹脇脹滿攻刺疼痛甚至足脛枯細多苦逆冷脘羸不能食矣診其脈右手尺脈浮浮爲陽陽絕者無子苦足冷帶下也

白聖丸 治婦人白帶久而不止面色黧黯遶臍疼痛腰膝冷痛日漸虛困產後白帶並宜用之

白聖

煨火

禹餘糧

煨醋淬七次

鼈甲

醋炙

烏賊骨

醋炙

當歸

去蘆酒浸

鵲巢灰

乾薑炮

紫石英火煨醋炙七次附子炮去皮臍

金毛狗脊燎去毛芎藭各一兩

艾葉灰半兩

鹿茸燎去毛切片醋炙一兩

右爲細末醋煮米糊爲丸如桐子大每服七十丸

空心温酒米飲任下

白斂圓 治室女衝任虛寒帶下純白

鹿茸醋蒸焙二兩 白斂 金毛狗脊燎去毛各

一兩

右爲細末用艾煎醋汁打糯米糊爲丸如桐子大每服五十丸空心温酒下

當歸煎 治婦人室女赤白不止腹內疼痛四肢煩

疼不欲飲食日漸羸瘦

當歸

去蘆酒浸

赤芍藥

牡蠣

火煨取分

熟地黃

酒蒸焙

阿膠

剉蛤粉炒成珠子

白芍藥

續斷

酒浸各一兩

地榆

兩

右爲細末醋糊爲丸如桐子大每服五十丸空心

米飲下

卷柏丸 治婦人室女腹臟冷熱相攻心腹絞痛腰

痛腿痛赤白帶下面色痿黃四肢羸乏

黃耆

去蘆蜜水炙

熟地黃

洗各一兩半

卷柏

醋炙

赤石脂

煨醋淬七次

鹿茸

醋炙

白石脂

芎藭

代赭石

煨醋淬七次

艾葉

醋炒

桑寄生

龜甲

醋炙

當歸

去蘆酒洗微炒

地榆

各一兩

木香

不見火

龍骨

各半兩

乾薑

炮三分

右爲末醋煮糯米糊爲丸如桐子大每服七十九

空心食前米飲下

血瘕

論曰腹中之病經書所載有積有聚有癖有疝有癥有瘕蓋積者五臟所積其痛不離其部聚者六腑所



聚其痛無有常處癖者病據兩脇之旁痛者弦急而  
多痛癥者徵也有塊可驗瘕者假也假物成形其結  
聚浮假推移乃動此無他皆由飲食不節寒溫不調  
氣血勞傷臟腑虛弱受于風冷與氣血相結而成也  
惟婦人血瘕爲病異於丈夫其所以異者非獨關於  
飲食不節而已多因產後勞動太早喜怒不調臟虛  
受寒或月水往來取涼過度惡血不散遇寒搏則凝  
皆能成血瘕也病作之時令人心脇攻刺小腹痛重  
或腰背互相引而痛久而不消令人黃瘦羸弱遂致  
絕產診其脈弦急大者生虛小弱者死不治

三稜煎丸 治婦人室女血瘦月經不通臍下堅結

大如杯久而不治必成血蠱

京三稜

蓬朮 各二兩

芫花 半兩

青皮

去瓢淨 一兩半

右劉如豆大用好醋一升煮乾焙為細末醋糊為丸如桐子大每服五十丸食前用淡醋湯下

琥珀丸 治婦人血瘦腹中有塊攻刺小腹痛重或

腰背相引而痛久而不治黃瘦羸乏

琥珀

別研

白芍藥

川烏

炮去皮

川牛膝

去蘆酒浸

鼈甲

醋炙

蓬莪茂

炮

當歸去蘆酒浸

厚朴薑製炒各一兩

木香不見火

澤蘭葉

官桂不見火各半兩

麝香別研五分

右爲細末酒糊爲丸如桐子大每服七十丸空心

溫酒米飲任下

通經丸 治室女月經不通臍下堅結大如杯發則

寒熱往來此名血瘕

當歸去蘆酒浸一錢半 蓬朮炮

桂心不見火

青皮去白 大黃炮

乾薑炮

桃仁去皮尖炒 乾漆炒令烟盡

紅花

川椒去目及閉口者微炒放地上密蓋出汗各一錢

右十味爲末將一半用醋煮熬成膏一半入雞子清同擣勻丸如桐子大每服二十九丸空心淡醋湯下

六合湯 治婦室經事不行腹中結塊疼痛腰痛腿痛

當歸 去蘆酒浸

白芍藥

官桂 去皮

熟地黃

川芎

蓬朮 炮各等分

右咬咀每服四錢水一盞煎至七分去滓空心溫服

崩漏

論曰崩漏之疾本乎一證輕者謂之漏下甚者謂之崩中且婦人平居經脈調適衝任二脈互相滋養陰陽二氣不相偏勝則月事以時下倘若將理失宜喜怒不節疲極過度大傷於肝蓋肝爲血之府庫喜怒勞役一或傷之肝不能藏血于宮宮不能傳血于海所以崩中漏下漏下者淋漓不斷是也崩中者忽然暴下乃漏証之甚者其狀或如豚肝或成五色與血俱下又或如泔涕如爛瓜汁又或如豆羹汁如藍靛色至有黑如乾血相雜亦有純下瘀血此皆衝任虛損喜怒勞役之過致傷于肝而然也久久不止面黃

肌瘦虛煩口乾臍腹冷痛吐逆不食四肢虛困甚則  
爲脹爲腫診其脈寸口脈弦而大弦則爲減大則爲  
芤減則爲寒芤則爲虛虛寒相搏其脈爲革主半產  
漏下又尺寸脈虛者漏血漏血脈浮者不可治治之  
之法調養衝任鎮注血海血海溫和歸于有用內養  
百脈外爲月事自無崩中漏下之患矣

又論曰崩漏之疾本乎一證然有輕重之別焉輕者  
爲之漏下漏下者淋瀝不斷是也重者謂之崩中忽  
然暴下下而過多真陰走耗遂致頭暈眼花氣乏怔  
忡身體羸瘦飲食減少腹內冷痛四肢無力驚惕恐

怖此其証也前方論治有對証服之而作效者亦有  
試之而罔功者非藥之不應乃由衝任極虛血海極  
寒故爾蓋血暖則流暢外爲月事內灌百脈今旣虛  
極而又寒極血寒則凝而不運是以崩中不已狀如  
豚肝或下五色或與血俱下或如泔涕或如豆羹汁  
或如藍靛色或純下瘀血此血寒之極所致若謂血  
熱致崩而用涼藥誤矣每用歲丹作效始進三五粒  
而未愈再進十粒猶未愈服至四五十粒差愈服至  
百粒方能作效此歲丹之力也然歲丹之性全恃火  
力如水寒成冰血寒成塊血得溫則流散四肢冰得

日則烘消成水血凝得丹而流暢火之力也大抵醫者意也以意醫之所以作效倘或疑而未敢輕用先進陽起石丸服之二日未效卻進歲丹庶無可疑矣又有室女二七天癸當至亦有當至而未至者近十八九左右方行者有卒然暴下亦有淋瀝不止有若崩漏者卻又不宜服前二藥也惟當以四物湯加香附子煎血色鮮而不止者挾熱也宜去熟地黃加生地黃煎臨病之際又在乎審處之

鎮宮丸 治婦人崩漏不止或下五色或赤白不定

或如豆汁或狀若豚肝或下瘀血臍腹脹痛頭暈眼



花久久不止令人黃瘦口乾胸煩不食

代赭石火煨醋淬七次 紫石英火煨醋淬七次 禹餘糧火煨醋淬七次

附子醋炙各二兩 陽起石煨紅細研 芎藭

鹿茸燎去毛醋蒸焙 茯神去木 阿膠剉蛤粉炒成珠子

蒲黃炒 當歸去蘆酒浸各一兩 血竭別研半兩

右爲細末用艾煎醋汁打糯米和丸如桐子大每服七十丸空心米飲下

十灰丸 治崩中下血不止

綿灰 黃絹灰 艾葉灰

馬尾灰 藕節灰 蓮蓬灰

油髮灰

赤松皮灰

櫻櫚灰

蒲黃灰

右等分爲細末用醋煮糯米糊爲丸如桐子大每服七十丸加至一百丸空心米飲下

柏子仁湯 治婦人憂思過度勞傷心經心主于血

心虛不能維持諸經之血亦能致崩中下血之患

當歸 去蘆酒炒

芎藭

茯神 去木

小草

阿膠 剉蛤粉炒成珠子

鹿茸 燎去毛酒蒸焙

柏子仁 炒各一兩

香附子 炒去毛二兩

川續斷 酒浸一兩半

甘草

右咬阻每服四錢水一盞半薑五片煎至七分去滓空心食前溫服

陽起石丸 治衝任不交虛寒之極崩中不止變生

他證

陽起石 火煨紅別研  
令極細二兩

鹿茸 去毛醋  
炙一兩

右為細末醋煎艾汁打糯米糊為丸如桐子大每服百丸食前空心米飲下

加減四物湯 治室女二七天癸至亦有當時未至而後至者有卒然暴下淋瀝不止有若崩漏者失血過多變生諸証悉宜服之

川當歸

去蘆酒浸切焙一兩

川芎

一兩

熟地黃

洗淨一兩

白芍藥

一兩

香附子

炒去毛一兩半

右以咀每服四錢水一盞半生薑五片煎至七分去滓食前溫服如血色鮮而不止者去熟地黃加

生地黃煎

搖擲

論曰婦人室女有生平無病者一旦忽感手足搖擲之證痰涎壅塞精神昏憤不省人事醫者往往便作癰證治之非也蓋婦女以肝氣為主肝乃血之府庫肝既受病經候愆期或多或少或閉斷不通肝宮堙

寒隨其虛實而生病焉婦人多口血虛七情感而生  
風女子血實七情感而生熱邪乘四末是以卒然手  
足搖擗狀類癰証也治療之法先宜多進蘇合香丸  
溫酒化服以快其氣俟其甦醒亟用調經之法寒者  
通之通者調之虛者與之實者取之婦人宜服白薇  
丸女子宜服澤蘭丸多服以病退爲期也

### 白薇丸

白薇

紫石英

火煨醋  
淬七次

琥珀

別研

白芍藥

桂心

不見  
火

川續斷

酒浸

防風

去蘆

山茱萸

取肉

當歸

去蘆  
酒浸

柏子仁

炒

川烏

炮去皮尖

牡丹皮

去木各一兩

木香

不見火半兩

麝香

別研半錢

右爲細末生薑自然汁打米糊爲丸如桐子大每服七十丸空心食前温酒米飲任下

澤蘭丸

當歸

去蘆酒浸

澤蘭葉

琥珀

別研

羚羊角

別研

防風

去蘆

牡丹皮

去木各一兩

麝香

別研半錢

安息香

酒煮去淨砂石半錢

生地黄

赤芍藥

各半兩

鐵粉

半兩

橘紅

五錢

濟生方  
三  
右爲細末煉蜜爲丸如桐子大每服七十九丸空心  
食前溫酒米飲任下

濟生方卷六

濟生方卷七

宋 嚴用和 撰

求子

論曰素問云夫天地者萬物之父母也陰陽者血氣之男女也夫有夫婦則有父子婚姻之後則有生育生育者人倫之本也且男女之合二情交暢陰血先至陽精後衝血開裏精陰外陽內陰含陽胎而男形成矣陽精先至陰血後參精開裏血陽外陰內陽含陰胎而女形成矣男女婚姻貴乎及時夫婦貴乎強壯則易於受形也且父少母老生女必羸母壯父衰



生男必弱誠有斯理或男子直精氣不濃婦女血衰而氣旺是謂夫病婦疹皆使人無子治療之法女子當養血抑氣以減喜怒男子益腎生精以節嗜慾依方調治陰陽和平則婦人樂有子矣

抑氣散 治婦人氣盛於血所以無子尋常頭暈膈

滿體痛怔忡皆可服之香附子乃婦人之仙藥不可

謂其耗氣而勿服釋繼洪澹寮方云大槩婦人則宜血盛氣衰所以醫家多為抑陽助

陰陽氣 陰血

香附子炒杵淨 四兩

茯神去根

甘草炙各 一兩

右爲細末每服二錢食前用沸湯服仍兼進紫石

英丸

陽起石丸 治丈夫真精氣不濃不能施化是以無

子

陽起石

火煨紅研極細

鹿茸

酒蒸焙

韭子

炒

鬼絲子

水淘淨酒浸蒸焙別研細末

天雄

炮去皮

肉蓯蓉

酒浸各一兩

覆盆子

酒浸

石斛

去根

桑寄生

沈香

別研

原蠶蛾

酒炙

五味子

各半兩

右爲細末酒煮糯米糊爲丸如桐子大每服七十

丸空心鹽湯鹽酒任下

妊娠

論曰內經云陽搏陰別謂之有子三部脈浮沈正等無病者乃知有妊也妊既受矣多病惡阻恐阻者俗諺所謂惡食是也此由婦人本虛平時喜怒不節當風取冷中脘宿有痰飲受妊經血既閉飲血相搏氣不宣通遂致心中憤悶頭暈眼花四肢沈重懈怠惡聞食氣喜食鹹酸多臥少起甚則吐逆不自勝持理療之法順氣理血豁痰導水然後安平矣

又論曰妊娠四月六月多苦煩悶按醫經四月受少

陰君火氣以養精六月受少陽相火氣以養氣又有  
不定拘此兩月而苦煩悶者由母將理失宜七情傷  
感心驚膽怯而然也

論曰懷妊十月形體就成八月合進瘦胎易產之藥  
今世多用枳殼散非為不是若胎氣肥實可以服之  
況枳殼大能瘦胎胎氣本怯豈宜又瘦之也不若進  
救生散安胎益氣令子緊小無病易產又且多穩當  
安胎和氣散

訶子 麩裏煨  
去核

白朮 各一  
兩

陳皮 去  
白

高良薑 炒  
劉

木香 不見  
火

白芍藥

陳皮炒

甘草炙各半兩

右咬咀每服四錢水一盞半生薑五片煎至七分

去滓溫服不拘時候忌生冷物

杜仲丸 治妊娠三兩月胎動不安者可預服養胎

杜仲去皮剉薑汁浸炒去絲

川續斷酒浸各一兩

右爲細末棗肉煮爛杵和爲丸如桐子大每服七

十丸空心米飲下日二服

如聖丸 治胎動腹痛者何蓋胎動腹痛其理不一

或緣飲食冷熱動風毒物或因再交搖動骨節傷犯

胞胎其候多嘔氣不調和或服熱藥太過血氣相搏

急服順氣安胎不然變成漏胎則難安矣

鯉魚皮

當歸

去蘆酒浸

熟地黃

酒蒸

阿膠

剉蛤粉炒成珠

白芍藥

川芎

川續斷

酒浸

甘草

炙各等分

右咬咀每服四錢水一盞半入芎根少許生薑五

片煎至七分去滓空心食前溫服

旋覆半夏湯 治妊娠惡阻心下憤悶吐逆不食惡

聞食氣頭暈四肢骨節煩痛多臥少起

旋覆花

去枝莖

芎藭

細辛

洗去土

人參

甘草

炙半兩

半夏

湯炮七次

赤茯苓去皮

乾生薑

陳皮去白各一兩

當歸去蘆酒浸一兩

右以咀每服四錢水一盞半薑五片煎至七分去

滓溫服不拘時候

人參半夏丸 治妊娠惡阻病醋心胃中冷腹痛吐

逆不喜飲食

半夏泡七次

人參

乾生薑各半兩

右為細末以生地黃汁浸蒸餅為丸如桐子大每

服四十丸米飲湯下不拘時候

縮砂散 治妊娠胃虛氣逆嘔吐不食

縮砂仁 不拘多少

右為細末每服二錢入生薑自然汁少許沸湯點

服不拘時候

百合散 治妊娠風熱相交欬嗽痰多心胃滿悶

百合 蒸

紫菀茸 洗

貝母 去心

白芍藥

前胡

赤茯苓 去皮

桔梗 去蘆炒 各一兩

甘草 炙半兩

右吹咀每服四錢水一盞半薑五片煎至八分去

滓溫服不拘時候

消風散 治證同前



石膏煨

甘菊花去枝梗

防風去蘆

荆芥穗

川羌活去蘆

羚羊角鎊

川芎

大豆黃卷炒

當歸去蘆酒洗

白芷各一兩

甘草炙半兩

右吹咀每服四錢水一盞半入好茶半錢煎至八分去滓通口服食後良

芍蘇散 治姙娠外感風寒渾身壯熱眼暈頭旋者

何蓋因風寒客於皮膚傷於營衛或洗項背或當風

取涼致令頭目昏痛增寒發熱甚至心胃煩悶大抵

產前二命所係不可輕易妄投湯劑感冒之初止宜

進芎蘇散以發散表邪其病自愈

紫蘇葉

川芎

白芍藥

白朮

麥門冬

去心

陳皮

去白

乾葛

各一兩

甘草

炙半兩

右吹咀每服四錢水一盞半生薑五片葱白二寸煎至八分去滓溫服不拘時候

驅邪散

治妊娠瘧疾益營衛虛弱脾胃不足或感

風寒或傷生冷傳成瘧疾急服驅邪散莫待嘔逆見

物不思卒難醫療

高良薑

剉炒

白朮

草菓仁

橘紅

藿香葉

縮砂仁

白茯苓

去皮各一兩

甘草

炙半兩

右咬咀每服四錢水一盞半生薑五片棗一枚煎至八分去滓溫服不拘時候

冬葵子散 治妊娠小便不利身重惡寒起則眩暈及水腫

冬葵子

三錢

赤茯苓

去皮二錢

右爲細末每服三錢米飲調服不拘時候利則住服如不通恐是轉胎加髮灰少許神效

麥門冬湯

治子煩

阮霖經驗良方云治妊娠心驚膽怯煩悶

麥門冬去心

防風

白茯苓去皮各一兩

人參兩半

右吹咀每服四錢水一盞半生薑五片入淡竹葉十片煎至八分去滓溫服不拘時候

羚羊角散 治妊娠中風頭項強直筋脈攣急言語

謇澀痰涎不消或發搐搦不省人事名曰子癇亦宜

服之既霖經驗良方云心支之女患此正是雪寒之時用此效

羚羊角鎊

川獨活去蘆

酸棗仁炒去殼

五加皮去木各半錢

薏苡仁炒

防風去蘆

當歸去蘆酒浸

川芎

茯神

濟生方  
杏仁

去皮尖  
各四分

木香

不見  
火

甘草

炙各二  
分半

右咬咀每服四錢水一盞生薑五片煎至七分去滓溫服不拘時候

產後

論缺

芎歸湯 治大產小產對証加添服餌

芎藭

當歸

去蘆  
酒浸

右等分咬咀每服三錢水一盞半煎至七分去滓溫服不拘時候腹中刺痛加白芍藥口乾煩渴加烏梅麥門冬發寒熱加乾薑白芍藥水停心下微嘔逆加茯苓生薑虛煩不得眠加人參竹葉大便

祕澀加熟地黃橘紅杏仁小便不利加車前子腹  
脇膨脹加厚朴血崩不止加香附子效嗽痰多加  
紫苑半夏生薑腰痛腳痛加牛膝心下疼痛加延  
胡索惡血不下腰腹重痛加牡丹皮

芎藭補中湯 養新血去淤血補虛扶危

乾薑

炮

阿膠

剉蛤粉炒

芎藭

五味子

各一兩

黃耆

去蘆蜜水炙

當歸

去蘆酒浸

白朮

赤芍藥

各一兩

木香

不見火

人參

杜仲

去皮剉炒

甘草

炙各半兩

右咬咀每服四錢水一盞半煎至一盞去滓通口

服不拘時

豬腰子粥

治產後蓐勞發熱

豬腰子一隻去白膜切作柳葉片少鹽酒拌之先用粳米一合入葱椒煮粥鹽醋調和將腰子鋪盤底用熱粥蓋之如作盞生粥狀喫之每日空心作粥極妙

金液丸

治將產忽見橫倒者蓋不能忌口恣情多

食五臟氣滯六腑不和胎氣既肥則用力太早胎受驚觸急用瘦胎金液丸其兒身自順生矣

飛生毛

火燒如腋下毛尤佳半錢

血餘

無病女人髮燒灰

公母羊糞燒灰各半錢

竈中心土一錢

黑鉛三錢用小銚子火上鎔投水銀半錢急攪成砂子傾出細研

硃砂半錢別研

右爲細末用粽子角爲丸如菘豆大遇難產急難以倒流水吞下五丸兒身自順正產子母活矣

抵勝湯 治胃受水穀脾主運化生血生氣內濡腑臟者也因產腑臟暴虛惡露下少敗血乘虛散於脾胃脾受之則腹脹胃受之則成吐逆亦有惡露過多氣無所主聚於脾胃脾受之則爲腹脹胃受之則爲吐逆惡露過多者去澤蘭赤芍藥倍加生薑橘皮



赤芍藥

半夏

澤蘭葉

人參

陳皮各一分

甘草一錢

右咬咀每服一劑用水一碗生薑焙乾半兩煎至  
半碗去滓分三服

產後中風

論曰產後中風者蓋因產後傷動血氣勞損經絡腠  
理空疎勞役太早風邪乘間而入始則客於皮膚次  
則入於筋脉又其次也傳於諸臟隨其諸臟經絡而  
生病焉或身體緩急或頑痺不仁或口目不正或奄  
奄忽忽神情昏亂乃中風候宜服小續命湯

阮霖經  
驗良方

凡產後風血暴虛未得安靜血隨氣上迷亂心神氣  
息欲絕昏悶不知人事口噤手足瘳癱醫者不識呼  
爲暗風誠爲謬矣

小續命湯 治婦人產後失血中風冒昧不知痛處  
拘急不得轉側四肢緩急遺失便利

麻黃

去根節煎掠去浮沫桂皮

甘草

炙各二兩

人參

白朮

附子

炮去皮臍

防己

芍藥

黃芩

去黑心各一兩

防風

一兩半

右剉如麻豆大每服五錢匕以水一盞半入生薑  
三片煎至七分去滓溫服

濟生方  
產後血崩 方缺

論曰產後血崩者蓋因產所下過多血氣暴虛未得平復或因勞役或因驚怒致血暴崩又有營衛蠹傷氣衰血弱亦變崩中若小腹滿痛此爲肝經已壞爲難治若小腹胀滿此爲內有淤血未可止之止之非特淋瀝不已小腹轉加脹滿若小腹胀滿且服芎藭湯及黑龍丹若小腹不滿急是內無淤血可服固精丸止之惡熱藥者進十灰丸亦得

濟生方卷七

濟生方卷八

宋 嚴用和 撰

丁瘡

附熱瘡

論曰諸瘡莫急於丁瘡有魚眼丁多發於足非神手不能治也大凡治丁瘡先以披頭鍼當頭刺之直至患者知痛處纔引鍼而出血隨之流則以蟾酥追毒丹納鍼孔中仍以紙撚送下使近痛處其上封以乳香膏四旁腫處敷以烏龍膏或有赤暈敷以解毒散並如前法兩三日瘡潰拔去仍覆以乳香膏膿盡生肌並如前法

稽云有絲瘡證乃丁瘡之類醫若不識並無治法害人最速其瘡生手足間有黃泡其中或紫黑色卽有一條紅絲迤邐向上而生若至心腹則使昏亂不救其紅絲或有生三兩條者治法以鍼橫截紅絲所至之處刺之止使血出以膏藥傅之更不復發動卽愈矣此證得於喜怒不節血氣逆行而生內翰洪舜俞以惡瘡生齶上久不能治稽云此名內疳瘡初發如蓮花痔根蒂小而下垂反大治法以勾刀決斷其根燒鐵器令赤七八烙之以止血次以雄黃輕粉粉霜香白芷白歛爲散敷其上令病人側臥以槐枝作枕

支其牙頰間毋使口合一兩時許瘡癥定令病者自便治日得膿便可漸愈若此證久不治卽四邊肉漸成死肌法用槐枝枕支病者牙毋使得合以小鎌去其惡肉令盡卽撤生肌散上仍用乳香膏護之自非飲食時且令病者側臥支其牙頰毋使口合則津液不衝動瘡藥三日後肌肉漸生纔可令病人自便無所礙矣洪內翰云此證緣醫家不識則無治法以至不救良可惜也此證得之作勞氣血虛憊所治至驗嵇云治魚眼丁之法先以鍼刺之若痛則瘡根已走矣用療漏瘡之法以榆皮隨俞穴所往探之榆所不

及之處則鍼破引榆皮而出再自鍼穴尋之若鍼破處病人自痛血出則是活肌肉矣卽於鍼瘡納蟾酥丹覆以乳香膏再於瘡鍼孔中納蟾酥丹三二粒仍覆以乳香膏

二黃散 治丁腫

雄黃

雌黃

各等分

右爲末先用鍼刺四圍及中心醋和塗之

蟾酥丹

蟾酥

一枚

右爲末以白麪和黃丹丸如麥顆狀鍼破患處以  
一粒納之神效

灸法 治丁腫灸掌後橫紋五指男左女右七壯卽  
瘥已用得效丁腫灸法雖多然此一法甚驗出於意  
表也考稽治法金大定間有遇異人傳狗寶丹丸得  
之者以獻金主其後稽事金朝以外科奉御療將士  
金瘡有功金主以金帛賜焉稽治瘡凡癰疽丁漏惡  
瘡皆先以狗寶丸爲第一義先投狗寶丸半時次投  
熱葱粥以助之厚被蓋覆病者使汗出周浹則毒勢  
隨汗而解若汗不出則不可療矣汗罷則瘡之陷者



必起散者必聚次以烏龍膏敷其腫若腫之外有赤  
暈者則以解毒散敷之凡敷藥必先自外向裏塗之  
看正瘡大小凡正瘡之上並不許加分毫藥每日隨  
証服五香連翹湯十奇散菘豆粉等藥大率以狗寶  
丸爲先以烏龍解毒散次之而服餌之藥則隨脈氣  
陰陽虛實而用之空心必服加減八味丸以助元氣  
俟瘡潰以鍼決去敗膿訖然後以乳香膏敷正瘡之  
上若尙有未盡膿則於膏藥當中直剪一路以通膿  
水膿欲盡以生肌散敷瘡口仍以乳香膏覆之更不  
須剪破膏藥乳香膏一日一換俟瘡口欲合卽便不

加膏藥矣烏龍膏之功在於消腫解毒散之功在於  
收暈卽不用解毒散而烏龍膏直俟瘡潰敗膿出盡  
然後已此其大畧也癰疽之証甚惡多陷下透骨者  
服狗寶丸瘡四邊必起依前法用烏龍膏解毒散訖  
須用鍼刀開瘡孔其內已潰爛不復知痛乃納追毒  
丹於孔中以速其潰既潰後割去死肌洗以猪蹄湯  
敷以生肌散覆以乳香膏又敷之善角散以醋熬爲  
糊貼之惡肉退去好肉漸生卽用搜膿散翠霞散之  
類敷之若瘡中毒氣未盡慎勿早斂忌早上生肌之  
藥縱復平復必再發其間調理次第臨時制宜將護

須慎之

狗寶丸 專治癰疽發背附骨疽諸般惡瘡

狗寶 一兩 生用

蟾酥 二錢

乳香 別研

沒藥 別研

雄黃

礪砂

輕粉

麝香

鉛白霜

粉霜 別研各一錢

金頭蜈蚣 七個 頭尾腳足炙黃色研如泥

烏金石 二錢 鯉魚膽 七個 乾者用之去皮臘月者尤佳

狗膽 一個 乾者用之去皮黑狗者臘月者好 頭胎孩兒乳 合

黃蠟 三錢

右先將頭胎孩兒乳黃蠟放在鉢內文武火化開

用前藥末和成劑放在磁器內要用旋丸如麻子  
大兩丸如病大三丸用白丁香七個直者爲妙以  
新汲水化開送下狗寶丸腰以下病食前服腰以  
上病食後服如人行三里用熱葱白粥投之卽以  
衣被蓋定汗出爲度已後只喫瓜蘠白粥常服十  
奇散留頭四邊以烏龍膏貼之

追毒丹 治疽瘡黑陷者先用狗寶丸治次以烏龍  
膏收腫散毒去赤暈乃用鍼刀開瘡納追毒丹使之  
潰然後去敗肉排膿隨証治之癰疽疔瘡附骨疽並  
皆治之

巴豆七粒去皮心不  
去油研如泥

白丁香一錢

雄黃

黃丹各二錢

輕粉一錢

加蟾酥尤神效

右件研和加白麩三錢滴水爲丸如麥狀鍼破瘡  
納之上覆以乳香追出膿血毒物漏瘡四壁死肌  
不去不可治亦以此法追毒去死肌乃養肉斯愈  
矣疾小者用一粒大者加粒數用之

解毒散 去熱腫收赤暈

寒水石二兩

龍骨半兩

黃連去鬚

黃蘗各一兩

輕粉一錢

右爲細末和雞子清調以雞羽掃瘡上若是熱瘡  
加黃丹半兩

烏龍膏 治一切癰疽腫毒收赤暈

木鼈子

去殼

半夏

各一兩

小粉

四兩

草烏

半兩

右於鐵銚內慢火炒令焦爲細末出火毒再碾細  
以冷水調敷一日一換

紅膏藥 治軟癰及惡瘡風濕所搏運身疼痛

瀝青

白膠香

各二錢

黃蠟

右於銚內煎化量用麻油三錢許煎攪於水盆中

揉成劑收之每用於水內捻作餅子隨瘡大小貼  
之上敷以紙此藥加當歸一兩於內煎令黃色瀝  
去滓於水盆內取出藥揉成劑再加乳香末二錢  
和爲乳香膏尤佳其加青黛者卽名青金膏其加  
黃丹者卽名紫金膏皆貨藥者誑人之術其功用  
一而已矣

### 生肌散

寒水石二錢

黃丹半錢

龍骨七錢

輕粉錢

右爲細末乾敷上貼以乳香膏

竹茹膏 治黃泡熱瘡

真麻油

二兩

青木香

二兩

青竹茹

一小團

杏仁

二十粒  
去皮尖

右藥入麻油內慢火煎令杏仁黃色去滓入松脂  
研半兩熬成膏每用少許擦瘡上

治頭瘡及諸熱瘡

先用醋少許和水淨洗如去痂再用溫水洗裏乾  
後用百草霜細研入膩粉少許生油調塗立愈

肺癰

論曰夫肺癰者由風寒之氣內舍於肺其氣結聚所



成也蓋肺爲五臟之華蓋其位象天候於皮毛氣之所主將理失宜勞傷氣血風寒得以乘之蓋寒則生熱風極亦生熱壅積不散遂成肺癰矣肺癰之狀寸口脈數而實數而芤內滿隱隱痛兩肢腫滿咽乾口燥煩悶多渴時出濁唾腥臭久便吐膿狀如粳米粥者難治有膿而嘔者不可治嘔膿而止者自愈凡病肺癰脈來短濇者順浮大者死其色當白而多赤者亦死

桔梗湯 治肺癰心胃氣壅欬膿血心神煩悶咽乾多渴兩腳腫滿小便赤黃大便多澀

桔梗去蘆

貝母去心膜

當歸去蘆酒浸

菰蘆子

枳殼去瓢麩炒

薏苡仁炒

桑白皮蜜水炙

防己各一兩

甘草節生用

杏仁去皮尖麩炒

百合蒸各半兩

黃耆去蘆兩半

右呔咀每服四錢水一盞半生薑五片煎至八分去滓溫服不拘時候若大便秘者加大黃小便秘者加木通

痔

論曰痔凡有五卽牡痔牝痔腸痔脈痔血痔是也素問云困而飽食筋脉橫解腸癰爲痔多由飲食不節

醉飽無時恣食肥膩久坐濕地情慾耽著久忍大便  
遂使陰陽不和關格壅塞風熱下衝乃成五痔肛門  
生妒或左或右或內或外狀如鼠爛或形似櫻桃或  
膿或血或痒或痛或軟或硬或罌或腫久而不治則  
成漏矣治之之法切不可妄用毒藥亦不可輕易割  
取多致淹滯惟用穩重湯劑徐徐取效不可不知

黃耆丸 治五痔出血疼痛

槩藤子

煨用肉  
半兩

川續斷

酒浸

黃耆

去蘆

貫衆

附子

炮去  
皮臍

枯礬

別研

刺蝟皮

燒  
灰

當歸

去蘆  
酒浸

阿膠

蛤粉炒  
各一兩

麝香 別研一字

右為細末米糊為丸如桐子大每服七十丸空心米湯飲下氣壯多熱之人不宜服此

斷紅丸 治腸虛臟腑久而腸氣痔疾下血不止或所下太多面色萎黃日漸羸瘦

側柏葉 微炒黃

川續斷 酒浸

鹿茸 燎去毛酒煮

附子 炮去皮臍

黃耆 去蘆

阿膠 剉蛤粉炒成珠子

當歸 去蘆酒浸各一兩

白礬 枯半兩

右為細末醋煮米糊為丸如桐子大每服七十丸空心食前米飲下

蝸牛膏 敷痔有效

蝸牛 一枚

麝香 三分

右用小砂合子盛蝸牛以麝香糝之次早取汁塗

痔處

枯礬散 治五痔痒多痛少或膿或脹或漏血不止

白礬 枯半錢

腦子 一字 別研

右爲末先用魚腥草煎湯放溫洗痔次用藥少許

糝患處

蝟皮丸 治五種痔漏

猪左足懸蹄 燒之灰 存性

蝟皮 一枚 燒 存性

黃牛角腮

燒灰存性

貫衆

槐角子

炒

雷丸

雞冠花

槐花

炒

油髮灰

黃耆

去蘆

香白芷

當歸

去蘆酒浸

枳殼

去瓢生用

元參

黃連

去鬚

防風

去蘆

鼈甲

醋炙各半兩

麝香

別研半錢

右爲細末米糊爲丸如桐子大每服七十丸加至一百丸空心米飲下年高虛弱寒濕痔疾不宜服之

瘦

嵇云澄江治一婦人漏瘡此婦人先於小腹上成一漏瘡久又於背脊腰下成一瘡嵇以榆枝自背探之乃直達於腹前之漏瘡乃兩用追毒丹乳香膏烏龍膏而愈嵇云癰之根腳淺而濶倘治之遲則有潰爛肌肉之患若久而不合則多爲漏瘡治癰已具於前嵇云漏瘡當探其深淺渠在北地時有一人害漏瘡於脇間嵇以榆皮細枝刮去皮取線以綿裹其尖以線牢繫之以榆皮探瘡中之穴乃自脇而達於腰在皮膚之間遂於病者腰間以鍼決破用追毒丹三粒納於瘡中三日卽潰而脇間之漏遂止其膿悉自腰

間鍼孔中出膿盡生肌散愈其服狗寶丸敷烏龍膏  
乳香膏生肌散並如前法

疥

論曰夫疥瘡之爲病雖若不害人然亦至難忍矣素  
問云諸痛痒瘡皆屬於心多由心氣鬱滯或飲食不  
節毒蘊於腸胃發見於皮膚古方有所謂馬疥水疥  
乾疥濕疥種類不一生於手足乃至遍體或痛或癢  
或腫或皮肉隱嶙或抓之凸起或痞癩或膿水浸淫  
治之內則當理心血祛散風熱外則加以敷洗理無  
不愈



當歸引子 治心血凝滯內蘊風熱發見皮膚遍身

瘡疥或腫或痒或膿水浸淫或發赤疹痞癩

當歸去蘆

白芍藥

川芎各一兩

生地黄洗

白蒺藜炒去尖

防風去蘆

荆芥穗各一兩

何首烏

黃耆去蘆

甘草炙各半兩

右咬咀每服四錢水一盞半薑五片煎至八分去

滓溫服不拘時候

神異膏 治一切瘡疥

全蝎七箇去毒

皂角一錢剉研

巴豆七箇去殼

蛇床末三錢

麻油一兩

黃蠟半兩

輕粉半字

雄黃別研三錢

右先川皂角全蠍巴豆煎油變色去了三味入黃蠟化開取出冷處入雄黃蛇床末輕粉和勻成膏先用苦參湯溫洗以藥擦瘡疥上

苦參湯

苦參

蛇牀子

白礬

荆芥穗各等分

右四味煎湯放溫洗

癬

論曰夫癬之爲病種狀不同古方有所謂乾癬風癬  
苔癬之類癩疹如錢漸漸滋蔓或痒或痛或圓或斜  
其中生蟲搔之有汁此由風濕毒氣與血相搏凝滯  
而爲此疾也

胡粉散 治一切癬神效

胡粉

一分

砒

半

硫黃

別研一分

斑貓

一枚

麝香

少許

蝎梢

七枚

雄黃

別研一分

大草烏

一個  
生用

右爲細末先用羊蹄根蘸醋擦動次用藥少許擦

患處

# 癭瘤

論曰夫癭瘤者多由喜怒不節憂思過度而成斯疾  
焉大抵人之氣血循環一身常欲無滯留之患調攝  
失宜氣凝血滯爲癭爲瘤癭者多結於頸項之間瘤  
者隨氣凝結於皮肉之中忽然腫起狀如梅李子久  
則滋長醫經所謂癭有五種瘤有六証五癭者石癭  
肉癭筋癭血癭氣癭是也六瘤者骨瘤脂瘤膿瘤血  
瘤石瘤肉瘤是也治療之法五癭不可決破破則膿  
血崩潰多致天枉六瘤者脂瘤可破去脂粉則愈外  
五証亦不可輕易決潰慎之慎之

破結散 治石瘦氣瘦筋瘦血瘦肉瘦等証

海藻 洗

龍膽

海蛤

通草

昆布 洗

貝母 去心

二分

饜 枯

松蘿 各三分

麥麩 四分

半夏 二分

湯炮

右為細末酒服方寸七日三忌甘草鯽魚猪肉五

辛菜諸雜等物

昆布丸 治一切瘦瘠不問新久

昆布 洗

海藻 洗

小麥 各一兩好

醋煮乾

右為細末煉蜜為丸如杏核大每服一丸食後嚼

嚙

瘰癧

論曰夫瘰癧之病卽九漏是也古方所載名狀不一難以詳述及其生也多結於項腋之間累累大小無定發作寒熱膿水潰漏肺主蚘蟬漏心主螻蛄漏膽主浮蛆漏腎主瘰癧漏小腸主轉脉漏原其所自多因寒暑不調飲食乖節遂致血氣壅結而成

皂子丸 治瘰癧滿項不破及結核腫痛者

好皂角子一升 元參

連翹仁各一兩

右用水五升砂鍋內慢火煎水盡爲度每服揀取

好皂角子軟者三粒食後臨臥時細嚼津下硬者  
搗爛蜜和如榛子大含化半月必差忌酒麪熱毒  
物

三聖丸 治瘰癧

丁香

五十箇

斑貓

十箇

麝香

一錢列研

右爲細末用鹽豉五十粒湯浸研如泥和前藥令  
勻丸如棗豆大每服五七丸食前溫酒下日三服  
如至五七日後覺小便淋瀝是藥之效便加服或  
便下如青筋膜之狀是病之根也忌濕麪魚肉一  
切動氣物

連翹丸 治療癰結核破或未破者

薄荷 新者二斤 裂取汁 好皂角 一挺水浸去皮裂取汁 已上二味同於銀石器

內熬成膏 青皮 一兩 連翹 半兩

陳皮 一兩 不去白 皂角子 慢火炮去皮取皂子 仁搗羅為末一兩半

黑牽牛 一兩半 生半炒

右五味為末用前膏子為丸如桐子大每服三十丸煎連翹湯下食後十日見效

金瘡

奪命散 治金瘡打損及從高墜下木石所壓內損瘀血心腹疼痛大小便不通氣絕欲死



紅蛭

用石灰慢火炒  
令焦黃色半兩

大黃

二兩

黑牽牛

二兩

右各爲細末每服三錢用熱酒調下如人行四五里再用熱酒調牽牛末二錢催之須臾腑轉下惡血成塊或成片惡血盡卽愈

濟生方卷終

文寶齋

光緒四年秋日

梁濠叟署檢

欽定四庫全書

產寶諸方

提要

臣等謹按產寶諸方一卷不著撰人名氏宋史藝文志不載惟陳振孫書錄解題有之自明以來諸家書目亦罕有著錄者今檢永樂大典所載尙得七十餘方又十二月產圖一篇與振孫所記並合蓋卽宋時之原本又別有序論一首王卿月序一首皆殘缺當亦原書之佚簡也其方於保產

之法頗爲賅備而原第爲永樂大典所亂  
已不可復考謹詳加釐訂以類分排首調  
經養血次安胎次胎中諸病次催生次產  
後次雜病仍爲一卷其中所引各方多爲  
後人所承用如人參飲子一方與朱震亨  
所製之達生散雖品味多寡不同而以大  
腹皮爲君人參爲輔命意無異知震亨實  
本此而增損之又如張元素以枳殼白朮  
爲束胎丸後人以爲不宜於藜藿之軀易  
以白朮黃芩相沿至今爲便產良藥而不

知亦本是書所載之枳殼湯又今時汴產  
後血風有所謂舉卿古拜者核其所用惟  
荆芥一味卽此書之青金散蓋荆芥主治  
風素問東方主風而肝屬于木平肝木卽  
所以助肺金故以青金爲名後人竊用其  
方而又翻切荆芥字音詭名以炫俗耳凡  
此類皆可以證古今傳授之由惟所用多  
降氣破血之品辛熱震動之劑則古人稟  
厚可受攻伐有未可槩施於後來者此則  
神而明之存乎其人矣乾隆五十年二月

恭校上

原序

按產後禁忌調護之法載諸古方固非一條要以作勞爲大成蓋百日之內筋脈未續血氣未充凡遷徙次舍換易牀榻乘虛起行理髮盥面小則貽終身之疾大則有不測之禍故遠者百日近者一月皆須極加調護毋大喜怒毋縱笑語毋極思慮務令安靜以養血氣正如新種之木根土未附一經動搖不復發生必不得已而遷徙動作猶須旬日之外爲庶幾焉世因有深山窮谷及田野之人飲食藥餌不繼甚至汲水洗兒躬自襁褓此皆平日異稟少欲而善飯故



雖氣血少耗而根本自強然不可爲常也王卿月序  
大率治病先論其所主男子調其氣女人調其血氣  
血人之神也不可不謹調護然婦人以血爲基本氣  
血宣行其神自清所謂血室不蓄則氣和血凝結則  
水火相刑月水如期謂之月信血凝成孕此乃調變  
之常其血不來則因風熱傷於經血故血不通或外  
感風寒內受邪熱脾胃虛弱不能飲食食旣不充榮  
衛抑遏肌膚黃燥面無光澤時發寒熱腹脹作痛難  
于子息子藏冷熱久而勞損必挾帶下便多淋瀝忽  
致崩漏經云腹中如塊忽聚忽散其病乃癥血涸不

流而搏結腹脹時作寒熱此乃成瘕或先後爽期雖  
通而或多或少或寡究病之源蓋本於此



產寶諸方

產圖

月吉方位

三月壬位安產吉

丙位藏衣吉

四月庚位安產吉

甲位藏衣吉

五月丙位安產吉

壬位藏衣吉

乾天德藏衣吉

六月甲位安產吉

庚位藏衣吉

七月壬位安產吉

丙位藏衣吉

八月庚位安產吉

甲位藏衣吉

艮天德藏衣吉

九月丙位安產吉

壬位藏衣吉

十月甲位安產吉

庚位藏衣吉

十一月壬位安產吉

丙位藏衣吉

巽天德藏衣吉

十二月庚位安產吉

甲位藏衣吉

溫經湯 治女人曾經小產成帶三十六病腹脹唇

口乾日晚發熱小腹急痛手足煩熱大腸不調時泄

痢經脈不勻久不懷妊方

吳茱萸

沸湯洗三次  
焙乾秤三兩

當歸

川芎

人參

白芍藥

各二兩

麥門冬

三兩半去心焙乾

桂

去皮研末

阿膠

炒白

牡丹皮

去心

甘草

炙各一兩

半夏

沸湯洗七次切焙二兩半

右為粗末每服二錢水一盞薑五片煎至七分去

滓空心溫服忌生冷滑物

八珍散

治脾弱血虛心怯多因盜汗無力進食養

氣益衛產前後可服

白朮

人參

蓮肉

去皮心

甘草

炙各一兩

白茯苓

烏藥

白扁豆

各二兩

熟地黄

一兩半

右爲細末每服二錢水一盞薑三片大棗一個煎

至七分空心服加黃耆八錢尤妙

油錢散

治婦人血風

五加皮

牡丹皮

芍藥

各半兩

當歸

羌活

各一兩

右爲末每服一錢水一盞銅錢一文蘸油入銚內

煎七分溫服

千金散

治婦人赤白帶下

百草霜

一兩

龍骨

一錢

白石脂

二錢

右爲末空心溫酒調二錢

振振丸 治婦人經虛蓄冷積聚成瘕成塊月候不

調時作諸疾因而凝滯半產不實以至絕產

生地黄汁一升

生艾汁

一升銀石器內同熬成膏

牛膝末

半兩酒浸

當歸末

一兩

乾漆

炒烟盡取末半兩

右三味爲末取一半入膏內再熬令稠入餘末和  
擣丸如桐子大每服三十粒麝香溫酒下食前日

三服半月效

勝炙丹 子宮虛冷累月經年半生瘀血內泊

艾葉

二兩

吳茱萸

二兩揀淨

蒼朮

二兩



陳皮

二兩

右用醋三斤同浸一伏時鍋中慢火煮候爛卽入白杵令勻如未爛時添醋以爛爲度丸如桐子大空心溫酒飲下三十粒晚再服

羊肉地黃湯

補中益氣

生地黃

三合切

桂心

當歸

甘草

炙

川芎

人參

右咬咀每服三錢用羊肉汁一盞煎至六分去滓溫服空心下

治中丸

治脾胃寒濕飲食不消發心嘔逆泄利腸

腹痛

白朮

人參

白茯苓

神麴炒

麥蘖

肉桂

乾薑炮

右等分爲末蜜丸梧桐子大三十九丸空心米湯下

前胡散 治脾虛心下有結氣不能服溫藥者宜服

此

半夏湯洗七次切

陳皮各六兩

白茯苓

前胡

枳殼麩炒赤去瓢

甘草炙各三兩

右爲粗末每服三錢水一盞煎至六分去滓熱服

日二三不計時此藥有氣疾即可服

增損四物湯 治損血傷氣四肢無力腿腳疼痛血

不潮心自汗膈滿

川芎

二兩

川當歸

二兩

芍藥

一兩

熟地黃

一兩

人參

一兩

麥門冬

一兩 去心

枳殼

半兩 麩炒去瓢

甘草

一分

右爲粗末每服三錢薑二片水一盞煎八分去滓

空心服

牡丹圓

婦人常服養血氣

當歸

生地黃

川芎

牡丹皮 各半兩

紫蘇子

薏苡仁

荊芥穗 各一兩

右爲末麩糊丸如梧桐子大食後米飲下二十九丸

芎桂散 治婦人月娠惡露不止

生地黃 四兩竹刀切 生薑 四兩

川芎

肉桂

芍藥 各半兩

右爲末每服一錢温酒調下日進三服

二榭散 治血崩

榭葉 半生半燒存性

右爲末温酒調二錢

栝葉散 治血崩不止

栝葉 不拘多少 瓦上焙乾

右為末米飲調三錢

七星散 安胎

生苧根 二合 切片

糯米 一合

阿膠 五片

人參 一分

紫蘇 二十片

薑汁 一合

棗子 十枚

右七味用水二大碗煎至一碗分兩三服尋常合

半料用水一碗煎至一盞去滓服之

人參飲子 安胎寬氣止腹痛

大腹連皮剉碎

人參各半兩

甘草半兩

陳橘皮兩個和瓢

右爲粗末每服三錢水一盞銀石器內煎至八分

溫服不計時

人參散 治妊娠婦心氣不足調正脾胃進食補胎

流利關膈

罌粟一個炒

白扁豆一兩

藿香一分

甘草半兩

人參一分

右爲細末每服一錢麥門冬熟水調下日午夜臥

服

甘芎散 安胎清膈進食

甘草 炙

白芍藥

白朮 焙

川芎

阿膠 糯米炒 卻去米

右等分爲末恐性涼減甘草一半每服二錢水一盞薑二片棗子一個同煎七分通口服不計時安胎入膠艾煎嗽用五味子如腹痛下痢入乾薑白痢常服入薑棗

必應散 安胎養氣和血辟邪冷免難產 此方似勝 枳殼散

枳殼 四兩去 瓢麩炒

甘草 二兩 炙

阿膠 二兩 炙

黃耆 一分細 剉蜜炙

川芎 半兩不 見火

右爲末每服一錢空心茶點服有孕五個月外日

進三服能除產後諸病

芎膠散

孕婦七八個月胎不安

聖濟總錄作阿膠湯治妊娠胎動不

安腹痛

阿膠

一兩槌碎炒焦

當歸

一兩去苗剉碎炒

芎藭

一兩半

甘草

一兩炙

右爲末每服二錢水一盞煎七分去滓空心臨臥

溫服

百順散

安胎和氣尤理傷寒

桑寄生

一兩

乾蘇梗

三分

白茯苓

半兩



陳皮

分一

人參

兩半

大腹皮

三分

右爲末每一錢水一盞煎六分

紫蘇散 安胎護子順氣

紫蘇

兩一

人參

兩一

陳橘皮

去白 兩一

木香

分一

右爲末每服半錢糯米飲調下不計時

木賊飲子 治胎不安坐臥不得可服之

木賊草

去節

川芎

剉

右等分末一錢水一盞入金銀同煎六分去滓空

心服日二三服

保安散 治婦人妊娠不調血海久病帶下諸虛

附子筒

地黃

櫻櫚灰

木香

肉桂

右等分爲末羊脛炭燒紅浸酒調下一錢

藕汁 治婦人妊娠忽然牙關緊

取生藕汁半盞灌之

竹茹湯 妊娠瘧疾涼胎退寒熱

陳皮

一兩不  
去白

竹茹

半兩

右爲粗末分四服每服水一盞半煎八分去滓不

計時

又方

白朮

一兩

黃芩

半兩

右爲粗末分四服薑三片棗一枚水一盞煎七分

療妊娠身腫有水氣心腹脹滿小便少

按此方不另製方名

茯苓

四兩

杏仁

檳榔

各三兩

旋覆花

郁李仁

各一兩

右爲粗末以水六升煮取三升去滓分溫三服小

便利卽瘥

療妊娠遍身洪腫

劉守真病機氣宜保命集名葶藶散

葶藶子

十分

白朮

二十分

茯苓

二兩

桑白皮

二兩

郁李仁

八分

右爲粗末以水六升煮取二升分溫三服小便利

卽瘥

又方

澤瀉

葶藶

各三兩

茯苓

枳殼

白朮

各六分

右細切以水六升煮取二升分溫二服小便利卽

瘥

神仙紫金丸

治十種水氣逐陰固陽扶危正命妙

不可言凡足膝腫上氣喘滿小便不利便是水氣證

候宜卽服之

生地黄

大而圓者三兩以新銚子盛用炭火一秤煨通赤銚子出火急傾入醋二升

候冷取

研如粉

鐵砂

真者五兩賣人雜以鐵屑宜仔細揀擇水淘淨控乾

入生鐵銚子同禹餘糧三兩一處用醋二升煮醋乾并銚子用炭火一秤煨赤傾在淨地上

冷研如

粉用

羌活

木香

白茯苓

去皮

牛膝

去苗酒浸一宿焙乾

川芎

肉豆蔻

炮

舶上茴香

蓬莪朮

炮

白朮

炒

桂

去皮

乾薑

炮

青皮

去白炒

京三稜

炒

陳皮

去白

白茯苓

附子

炮製

當歸

去蘆鬚浸炒以上各

兩半

右虛弱之人全用諸藥壯人減半入前三藥內為細末拌勻湯浸蒸餅為丸杵干下丸如梧桐子大空心食前溫酒或白湯下三十粒忌鹽數月甚不忌鹽服此無功病自小便去後每日一服別以溫和調氣補脾胃血氣藥將理此神方也

人參枳殼散 潘適道治妊娠胃膈氣煩悶時或腹痛

人參

兩一

枳殼

一兩半去瓢麩炒

白茯苓

兩一

甘草

半兩炙

糯米

二合半

乾薑

一分炮

右爲末每服二錢水一盞煎至七分去滓服如腹痛加吳茱萸滴醋炒爲末每服入半匙許同煎

又方

人參

半兩

枳殼

一兩厚者去皮麩炒

赤茯苓

半兩

桔梗

半兩

大檳榔

半兩

甘草

半兩炙

大黃

一分麪裏蒸如覺臟腑熱秘卽用如無此証候卽不須用

右爲末每服二錢水一盞薑三片紫蘇七葉棗一

個同煎至七分去滓不拘時

四物湯

治妊娠至產前脹痛不可忍及治月事或

多或少或前或後腹痛等症

當歸

切焙

川芎

熟地黃

白芍藥

右等分爲粗末每服四錢水一盞半煎至八九分  
取六分極清汁帶熱服日二三以止爲度若妊娠  
下血入艾五七葉阿膠末一錢同煎如上法以止  
爲度疾熱甚大散藥不及以四味各半兩細剉以  
水四盞煎至二盞半去滓分四服熱服食前服之  
一日中令盡產後兒枕未消只入生薑五片煎七  
分經脈不調溫調二錢

枳殼湯

治五月已後宜服不惟易產兼亦消痰下



氣利胸中諸疾仍無危難此乃滑胎散恐五月便服太早候七八月可服之阮

霖經驗良方云常服養胎益氣安和子臟治胎中一切惡疾

枳殼四兩麩炒甘草二兩

右為末每服一錢七沸湯點空腹服日一服入月

日三服忌登高厠等處昔湖陽公主以難產服之

但覺此兒初生微黑百日後復白

黑散 催生順道如神濟世方又名神應散

百草霜 香白芷為末

右等分研勻每服二錢童子小便一盞醋一茶匙

以調勻更入五分盞沸湯浸令服良久便正生甚

者再服之妙

催生丹 治產婦生理不順產育艱難或橫或逆並

宜服之

十二月兔腦

去皮膜 研如泥

乳香

一分另 研細

母丁香末

錢一

麝香

一字另 研極細

右拌勻以免腦和丸如雞頭瓢大陰地用油紙密封每一丸溫水下即時產男左女右手握藥出為

驗

催生藥

極驗黃龍散

累試有效

地龍

錢重者洗去土新 瓦上焙令微黃

陳皮

蒲黃隔紙炒

右等分各自為末如經日不產各用一錢新井水調下便產若兩三日艱難者只一服即分娩母子

全安

保生散 令母子氣順臨產每日一服纔覺痛速進

三服減十分辛苦

神麴炒

大麥蘗炒

陳皮去瓢

人參

訶子煨去核

白朮

右六味等分每服三錢空心用水一盞煎至七分

熱服

催生槐豆散 產乳一兩月前預服

槐豆 炒令香黃

當歸 酒浸焙

貝母 炒

川芎 生

右等分爲細末每日空心温酒調下二錢產後服

逐敗血炒生薑豆淋酒下

催生草豆膏 難產救不可者方用

草麻 四粒去皮

巴豆 二粒去皮

右爛研貼臍中纔產了便去之以蛤粉撲臍中

觀音散 難產

辰砂 成塊者

乳香

人參

滑石 研

右四味爲末臨產每四錢雞子清一個生薑汁半合無灰酒一盞同調熱下

黃金散 催生歌曰黃葵之子七七粒爛擣細研酒

煎汁若遇產難危急時子母當下免悲泣 蜀葵子也

半白散 催生滑胎 又名二奇散

半夏 湯洗七遍切 白薇 研各一兩

右爲細末如催生每一錢如橫生二服如倒生三服如死胎在腹四服如胎衣不下血暈血迷瘀血敗血每二錢溫酒下一時內連兩服入生薑自然

汁少許如母氣絕加瞿麥二兩服

甘豆散 治難產三日子母不相見

黑豆三升

生薑三兩

甘草一寸

右用水五升煎豆熟爲度取汁緩緩服不惟易產兼治風纔覺產便服之甚妙

返魂散 治死胎腹中經五七日但看母腹脹臍下冷便是子死也若夏月腹中子死胖脹母氣未絕心頭略溫可用藥灌入口中纔嚙得藥此母卽不用憂也

多年陳豆醬

二合曬乾于新瓦上炒令烟白取于地上攤少時爲末用之

黑鯉魚口 并皮作片起取  
肉燒灰存性

右每服魚末三錢醬末一錢三味和勻用陳米飲  
調下良久有效纔察其胎胖脹須臾卻被此藥縮  
胎軟如綿輕一服極重者二服立得子母相見合  
時忌婦人見神效

子母散 治難產胞衣不出子死腹中

蒺藜子 貝母

右各四兩爲末米飲下一匙如人行五里再服

內補當歸建中湯 治產後虛羸不足腹中痛痛不  
止呼吸少氣或并小腹拘急痛引腰脊不能飲食產

後一月日得服四五劑爲善一方加黃耆三兩

當歸四兩

芍藥六兩

甘草二兩

桂心三兩

右咬咀每服四錢薑十片棗三枚水一盞半煎至七分去滓入糯米飲湯一匙再煎腹空溫服日三去血過多崩傷內竭不止加地黃六兩阿膠二兩無當歸以芍藥代取清汁服之

寄生湯 治產後百損腹脇痛不下食

桑寄生去苗

肉桂取心

當歸

白茯苓

白芍藥

人參



熟地黄

麥門冬去心

甘草各半兩

黃耆兩

鼈甲醋炙一兩

牛膝三分

右十二味以咀先用獐豬腰子一枚批破去筋膜

水二大盞生薑四片棗一枚煎至一盞卻去腰子

等取汁入藥三錢煎至六分絞汁食前日二三服

鍾乳建脾丸 治產後羸瘦身重胃冷食不化腹疼

泄痢不止

鍾乳粉三兩

赤石脂

好麴

大麥蘖

當歸

黃連

人參

細辛

龍骨

乾薑

茯苓

石斛

桂心各二兩

附子一兩

蜀椒六兩

右十五味爲末蜜丸如梧桐子大酒服十丸日三  
加至三十丸弱者飲服此方通治男子婦人

十全散 治五勞七傷一切虛乏氣劣兼大病後氣  
血未完婦人產前後虛羸等疾並可服之此藥益血  
補氣極有效須多服

綿黃耆二兩

白芍藥

當歸

人參

芎藭

白朮

熟地黃

甘草炙

桂心不見火

白茯苓 各一兩桂心甘草減半亦可依方尤妙嗽加五味子止汗入蠟末少許

右為粗末每服三錢水一盞半煎至八分空心服

日二三

理中散 治新產可服

當歸 一錢

黃連

艾葉

地榆

甘草 炙

龍骨

厚樸 薑炙

黃芩

乾薑 各一錢半

右為粗末每服二錢水一盞煎至七分去滓食前

服

又方

芍藥

阿膠

艾葉

各二錢

熟地黃

甘草

炙

當歸

各二錢

右爲粗末每服二錢水一盞煎至七分去滓食前

服

黑神散

陳白明大全良方治婦人產後惡露不盡胞衣不下攻衝心胃痞滿或臍腹堅脹撮痛及

血暈神昏眼黑口噤產後瘀血諸疾施圖端效方治產後諸疾一胎死二難產三衣不下四血昏迷五煩

渴六寒熱往來七虛腫八恍惚狂言九神昏不語十腹痛泄痢十一遍身疼十二小便血十三血崩十四

咳嗽十五腹脹嘔逆十六鼻衄十七喉噎氣十八中風口噤身強直並皆治之又名大進黑神散

當歸

溫湯洗

熟地黃

洗

白芍藥

赤者亦可

甘草

炙

白薑

炮大全良方作乾薑

肉桂

去皮取心

當歸草

蒲黃 紙襯銚子炒 過各一兩

黑豆 炒去皮 取二兩

右為末空心日午溫酒下二錢忌生水菜菓油膩  
毒魚濕麩鹹酸淹藏米食等新產七日內以小便

調為候

五靈散 治婦人種種血氣疼

五靈脂 半兩

乾薑 半兩二味同炒

蓬莪茂 一兩炮

右熱酒調一錢產後虛汗不止煎桂枝湯調服之

甚妙

萬靈散 治婦人產後血氣痛

牡丹芍藥與當歸 蓬莪川烏青橘皮

官桂更將牛膝等 產前產後號神奇

右等分爲末每服二錢溫酒下

青金散 治產婦產後血暈風邪不省人事口噤牙  
車不開手足搐掣上視恍惚語言中風身體強直一  
切等疾

荆芥穗

右爲末用溫酒調二錢炒生薑童子小便調尤妙  
日三服

蒜湯 治產後血暈

用蒜少許研碎溫湯調下

勝金湯 纔產了便服去惡血止暈

地黃汁

二分

生薑汁

一分

右用童子小便一分同煎十餘沸溫服地黃生薑須是潔淨砂盆內取自然汁不得犯生水

清小便方 產後宜服纔產了先以尋常小便一服未可便用此

烏梅

五個湯內洗

炙甘草

二錢

炮乾薑末

一錢

右三味先于碗內用湯少許浸少時候烏梅輒卽以熱小便一盞許碗內浸令產婦作一服如欲再服卽便別用烏梅等一依前法重浸服之

劉寄奴飲子

聖濟總錄治產後百病血暈

甘草

半兩 剉炙

劉寄奴

一握 剉

右以水碗半煎七分去滓服纔覺血暈服一錢甚者再服無事覺腹痛卽先煎恐緩急不及也

烏金散

產後血暈或惡露不盡死胎不下並可服

大豆

四兩

黃連

一兩

當歸

一兩

生薑

四兩

蓬莪茂

一兩

櫻皮

二兩

右先下生薑大豆炒候薑乾卽下當歸蓬莪茂黃連炒看豆紫透心卽以櫻皮點火入藥銚子中櫻皮盡黑卽傾地上以紙襯出火毒爲末每服二錢



小便調下產後雖無事服之亦佳

金花散 產後血暈一切腹脇痛不拘虛實可服

薑黃

熟乾地黃

各二錢 肉桂皮去

牛膝

劉寄奴

虎杖

芍藥

赤芍藥

蒲葦

乾葛

各一兩

右為細末每服二錢如病勢輕即以酒或用水一

盞煎至七分和滓溫服重急者以豆淋酒一盞同

煎服

羊肉湯

治虛人及產婦腹中痛虛眩不支兩脇當

臍急痛上衝前後相引痛治之如神

精羊肉

四兩切

當歸

半兩切

川芎

生薑

各半兩

右以水十盞煎至三盞掠去沫去滓分四服空腹熱服一日盡來日再作二日滓合爲一日煎之當

一劑服

理中丸 新產可服

甘草

一兩

人參

一兩

白朮

一兩

乾薑

一兩

右四味爲末糯米糊丸如梧桐子大用溫酒下稍

加至二三十丸婦人之於產號爲急切無以比方  
何者俄頃之間生死所繫豈可使不學之人妄投  
湯藥予家諸女諸婦莫不親教使之治療草蓐之  
間皆獲全濟其法固宜家喻而戶曉也妊蓐五月  
以後先服枳殼散瘦胎產後腹痛服四物湯胞阻  
下血加膠艾煎四物湯難產服黑神散橫生亦此  
既產服理中太以養胎氣三日內服四物湯惡露  
盡臍下塊散方服羊肉當歸湯三五劑諸苦悉去  
服枳殼湯

豆蔻散

治產後服之不生百病極治兒枕痛神效

此藥不破血極平穩  
定痛溫中真良藥也

肉豆蔻

一個用小刀子剝開一  
小竅入乳香一皂子大

右用麩裹煨熟去麩爲末纔產了溫酒調一服下  
兒枕痛用童子小便煎熱服

又烏金散 治產後血逆心悶腹痛不可常服

紅芍藥

川當歸

乾薑

蒲黃

乾地黃

甘草

右等分別入黑豆一合炒令香熟去皮除蒲黃與  
別藥同爲末於銀器內慢火炒令紫色後入蒲黃  
如產後無別疾每日只一服豆淋酒下之

當朮散 治婦人敗血衝心

蒼朮不拘多少炒黑色爲末入當歸少許每服二

錢酒一盞煎至七分

地黃湯 主產後心胃煩悶血氣凝澀腹脇有妨不

能飲食並惡露不快並宜服之

地黃汁 五分

盞

當歸末

生薑汁 約一分

以上

酒 三分

童子小便 一盞

右同煎二三十沸去滓服半小盞如腸腹不和

須服

琥珀散 治產後調順心經開水道解血結利小腸

琥珀一兩  
真者

右研如粉每服二錢以芍藥飲子調絕妙

芍藥飲子

赤芍藥半兩

白茯苓一兩

甘草一分

漢防己一分

檳榔一個

右咬咀每服二錢燈心五莖水一盞半煎至七分

去滓熱調琥珀散服

阿膠散 治產後三四日猶有惡物或一兩日一度

來

乾艾

赤石脂

桂各半兩

白芷

阿膠各一錢

右為末每三錢薑半錢水一盞煎七分

當歸續斷丸 治產後虛乏少氣腹痛引腰背血多

不止晝夜不得眠崩中漏下唇口乾面無色

當歸去蘆

川芎

續斷

乾薑炮

阿膠炒焦碎

甘草炙各四兩

白朮

吳茱萸湯洗七遍

附子炮製去皮

白芷各三兩

桂心不見火

白芍藥各二兩

熟乾地黄十兩

右為末蜜丸桐子大每三十丸淡醋湯空心下

歸魂散 治婦人血氣垂死者并敗血不盡

石菖蒲

一兩米泔浸洗切焙

當歸

一兩酒浸一宿火炙

右爲末每服二錢熱酒下

治腰痛下血

熟艾

一兩

右用酒五盞煮四盞去滓再煎二盞口閉者灌之

產後止喘

陳小麥半兩紙裏槌碎水一盞石銀器內煎七分

一味散 治產後瀉不止

烏梅不拘多少槌碎以竹杖穿于火上炙爲末米



飲調二錢

又方

蓮心爲末米飲調下

產後淋瀝方

獨活

蒼朮

防風

荆芥

吳茱萸

蛇床子

烏頭

生去皮  
各一兩

右咬咀每用二兩水七升煎取四升去滓淋瀝如

欲先薰卽乘熱薰之候溫方淋洗產後諸疾並皆

淋瀝但須慎風神效

治產後痢方

白蒺藜炒爲末米飲調下一錢

又方

栗子肉炒焦爲末酒調一錢

治產後冷痢一伏時百回者

陳粟米炒焦爲末二錢米飲調下

治產前產後下痢方

烏雞子

四個或一個

蒲黃末

一分

右雞子取黃去白入蒲黃和勻先用黃蠟少許潤  
鑊內候鎔入前藥成餅分作四片每服一片細嚼

臘茶下立效又方取黃清用碓白研細相和勻卻用黃蠟攤盤子或銚內做成黃餅每個作二服以臘茶送下

橘芥飲子 治產後癩脈行作寒熱頭痛

橘葉 十一片 薄荷 七葉 荆芥 七葉

右用小便一盞煎七分通口服

湧泉散 下癩

漏蘆 百部 麥門冬 炒去心

沒藥 乳香 各一分研

右以前三味後二味研細為末每服一錢熱酒調

下併兩服右手梳左乳四十九度左手梳右乳四十九度大效

百單六 嬾脈不行

白丁香少許  
爲末 白麩一二兩

右和作碁子煮熟服如乳行卽已

乳母生嬾核子痛

玄參不拘多少研每服二錢熱酒下

陰汗濕生瘡方

蛇床子 五加皮

右水五升煎三升熱洗冷卽溫身微汗意倦爲度

不揩蓋被

玉戶內瘡方

瓦上年久苔蘚畧洗過瓦上焙乾入輕粉傅

青黃散 凡覺是毒蟲咬及癰疽纔作服此毒氣不

行

青黛

雄黃

各等分

右爲細末每一錢新水調下

陰上中毒

訶子

煨

黃蘗

煨

右等分爲末鹽漿水含洗貼